

Хязгаарлагдмал орчны аюулгүй ажиллагааны заавар (төсөл 2020.11.15)

Нэг. Нийтлэг үндэслэл

- 1.1 Энэхүү заавар нь ажилтан хязгаарлагдмал орчинд нэвтрэх эсвэл ажиллах үед тэдний хөдөлмөрийн аюулгүй байдал, эрүүл мэндийг хамгаалах зорилготой.
- 1.2 Энэхүү зааврыг боловсруулахад Хөдөлмөрийн аюулгүй байдал, эрүүл ахуйн тухай хуулийн 6.1, 7.1, 7.2 дугаар зүйлийг үндэслэл болгов.
- 1.3 Энэхүү зааврыг хязгаарлагдмал орчин бүхий ажлын байртай ажил олгогч мөрдөнө.

Хоёр. Тодорхойлолт

2.1 Хязгаарлагдмал орчин (ХО)

Хүн байнга ажиллахад зориулагдаагүй хагас эсвэл бүтэн хаалттай орчныг хэлнэ. ХО-нд дараах шаардлагыг хангасан тасалгаа, шингэн болон хуурай материал хадгалах нөөцлүүр сав, худаг (траншей), тогоо, хоолой, утаа, агаар дамжуулах яндан хоолой, бусад төрлийн орчин хамаарна.

- а) Ажилтанд хордлого үүсгэх, галын эсвэл тэсэрч дэлбэрэх аюултай, хортой химийн бодисын хий, уур, тоосонцор агуулагдах боломжтой,
- б) Хүн хэвийн амьсгалахад сөргөөр нөлөөлөх эсвэл агааржуулалт хангалтгүйн улмаас амьсгалын дутагдалд хүргэх,
- в) Ажилтныг ажиллах үед живүүлэх эсвэл сорох аюултай материал агуулсан.

2.2 Хязгаарлагдмал орчны аюулгүй ажиллагаа хариуцсан ажилтан (ХОААХА)

Зааврын 5-д заасны дагуу чадамжтай ажилтнуудад хязгаарлагдмал орчинд нэвтрэх зөвшөөрөл олгох, хяналт тавих, ХО-ын аюулгүй ажиллагааг ерөнхийд нь хариуцах үүрэгтэй ХАБЭА-н албан тушаалтан.

2.3 Чадамжтай ажилтан

Хязгаарлагдмал орчинд ажил гүйцэтгэхэд шаардлагатай туршлага хуримтлуулж, зохих сургалтад хамрагдсан ажилтан.

2.4 Хязгаарлагдмал орчинд дагалдан ажилтан:

Зааврын 6.4.-д заасны дагуу томилсон ХО-нд ажиллах ажилтныг дагалдаж, аюулгүй байдалд ажиглалт хийх, тусалцаа үзүүлэх, шаардлагатай нөхцөлд онцгой үеийн бэлэн байдлын төлөвлөгөө хэрэгжүүлэх ажилтан.

2.5 Хязгаарлагдмал орчин хариуцсан эрх бүхий ажилтан

Нэвтрэх, ажил гүйцэтгэх ХО-ны эзэмшигч байгууллагыг төлөөлөн томилогдсон эрх бүхий ажилтан.

2.6 Хязгаарлагдмал орчинд нэвтрэх зөвшөөрөл:

Зааврын 5-д заасны дагуу ХО-нд нэвтрэх ажилтанд олгох зөвшөөрөл.

2.7 Хязгаарлагдмал орчинд нэвтрэх

Зөвшөөрлийн дагуу ажилтны толгой эсвэл бүх бие ХО-нд орохыг хэлнэ.

2.8 Аюултай орчин

Ажилтны амь нас, эрүүл мэндэд аюул учруулах эрсдэлтэй дараах орчин хамаарна:

- а) Агаарт агуулагдах хүчилтөрөгчийн 19.5-23.5% -ээс их эсвэл бага,
- б) Агаарт агуулагдах шатамхай хий, уурын түвшин 10% эсвэл тэдгээрийн тэсрэх доод хязгаараас нь хэтэрсэн,
- с) Агаар дахь хорт бодисын хэмжээ MNS 4990 стандартад заасан зөвшөөрөгдөх дээд хэмжээнээс хэтэрсэн

Гурав. Ерөнхий шаардлага

4.1 Хязгаарлагдмал орчны аюулгүй ажиллагаа хариуцсан ажилтан

- 4.1.1 Аж ахуйн нэгж, байгууллагын ХАБЭА-н асуудал хариуцсан ажилтан нь “Хязгаарлагдмал орчны аюулгүй ажиллагаа хариуцсан ажилтан” (ХОААХА) байна.
- 4.1.2 ХОААХА нь энэхүү зааврыг хэрэгжилтийг хариуцаж, бусад холбогдох талуудтай хамтран хэрэгжүүлнэ.
- 4.1.3 Аж ахуйн нэгж байгууллага нь ХОААХА хариуцсан ажилтнаа ХО-ны агаарын чанарын хэмжилт хийх шаардлага хангасан багажаар хангаж, шалгалт тохируулгыг 3-6 тутамд хийлгэнэ.
- 4.1.4 ХАБЭА-н ажилтангүй жижиг ахуй нэгж, байгууллага зохих шалгуур хангасан мэргэжлийн байгууллагаар

4.2 Хязгаарлагдмал орчны бүртгэл.

- 4.2.1 Аж ахуйн нэгж байгууллага нь өөрийн эзэмшлийн эсвэл түр ашигладаг барилга байгууламж, дэд бүтцэд хамаарах байнгын ХО-ыг нэг бүрчлэн тодорхойлж, бүртгэнэ.
- 4.2.1 Бүртгэлд ХО-ны тодорхойлолт, байрлалыг тэмдэглэнэ.
- 4.2.2 Ажил үүргийнхээ явцад ХО-ны аюулд өртдөг эсвэл өртөж болзошгүй ажилтнуудад энэ талаар мэдээлнэ.
- 4.1.3 ХО-ны тоог хамгийн боломжтой хэмжээнд цөөлнө.

4.3 Хязгаарлагдмал орчны орц, гарцны аюулгүй байдал.

- 4.3.1 Барилга байгууламж эзэмшигч эсвэл түр ашиглагч нь аливаа ХО-ыг орц, гарцыг ажилтны аюулгүй байдал, эрүүл мэндэд эрсдэл учруулахгүй байхаар төлөвлөж, зохих урьдчилан сэргийлэх арга хэмжээг хэрэгжүүлнэ.

4.4 Хязгаарлагдмал орчны тагыг нээх.

- 4.3.1 ХО-ны агаарт гадаад орчныхоос их даралттай хортой, аюултай бодис хуримтлагдаж болзошгүй тул ажилтан нэвтрэхээс өмнө хордлого, ослоос сэргийлж, дараах арга хэмжээг хэрэгжүүлнэ. Үүнд:

- а) ХО-ны даралтыг тэнцвэржүүлж, нээх үед хорт бодис чөлөөлөгдөхөөс сэргийлж аюулгүй болгосны дараа нэвтрэх тагыг авна,
- б) Тагыг авах үед ХО-ны нээлттэй хэсгийн эргэн тойронд хаалт, хашилт, бусад үр нөлөөтэй хамгаалалтыг хийж хүн, эд зүйл унахаас сэргийлнэ.

4.3.2 ХО-ны тагийг нээх, урьдчилан сэргийлэх арга хэмжээг хэрэгжүүлэхэд ХАА биечлэн хяналт тавина.

4.5 Хязгаарлагдмал орчны гэрэлтүүлэг

4.5.1 ХАА нь ХО-нд ажилтан нэвтрэх, ажиллах үед тухайн орчны гэрэлтүүлгийг хангалттай, тохиромжтой байлгах үүрэг хүлээнэ.

4.6 Хязгаарлагдмал орчны агааржуулалт.

4.6.1 ХО-нд ажилтан нэвтрэх, ажиллах үед тухайн орчны агааржуулалт нь ажилтны эрүүл мэнд, аюулгүй байдалд сөрөг нөлөө үзүүлэхээргүй байхаар төлөвлөнө.

4.6.2 ХО-нд ажилтан нэвтрэх, ажиллахад зориулж хангалттай, үр нөлөөтэй зөөврийн эсвэл суурин механик агааржуулалтыг ашиглана.

4.6.3 Агаараар хангах агааржуулалт нь :

- а) Аливаа бохирдолгүй,
- б) ХО дахь ажилтны байрлаж буй талбай руу агаарын урсгал чиглэнэ.

4.6.4 Сорох агааржуулалт нь сорсон агаараа ХО-ны гадна тал руу, бусад ажилтнууд, ойр орчмын оршин суугчидад аюулгүй байдлаар зайлуулна.

Тав. Хязгаарлагдмал орчинд нэвтрэхэд тавих хяналт

5.1 Хязгаарлагдмал орчинд нэвтрэх ажилтанд тавигдах шаардлага

5.1.1 ХО-нд нэвтрэх ажилтан нь ХО-нд ажил үүргээ гүйцэтгэхэд шаардлагатай ур чадварыг эзэмшиж, зохих туршлагыг хуримтлуулсан байна.

5.1.2 ХО-нд нэвтрэх ажилтан нь ХЭМАБ-ны сургалтад хамрагдаж, зохих шалгуурыг хангасан, өөрийн болон бусдын аюулгүй байдал, эрүүл мэндэд эрсдэл учруулахгүйгээр ажил үүргээ гүйцэтгэх дадлыг эзэмшсэн байна.

5.1.3 ХО-нд нэвтрэх ажилтан нь хөдөлмөрийн эрүүл мэндийн үзлэгт хамрагдаж, зохих шалгуурыг хангасан байна.

5.1.4 Зөвхөн “Хязгаарлагдах орчинд нэвтрэх хүчин төгөлдөр зөвшөөрөлтэй” ажилтан ХО-нд нэвтэрнэ.

5.1.5 ХОААХА нь ХО-нд нэвтрэх ажилтанд зөвшөөрөл олгохоос өмнө дараах байдлаар хяналт тавьж, шаардлага хангаж буй эсэхийг нягтална. Үүнд:

- а) Нэвтрэх ажилтан нь ХО-нд үндсэн ажил үүргээ гүйцэтгэх “Чадамжтай ажилтан” болохыг тухай ажилтны удирдах албан тушаалтны зөвшөөрөл, ажлын туршлагад үндэслэн тодорхойлно.
- б) Нэвтрэх ажилтан нь ХО-нд аюулгүй ажиллах “Чадамжтай ажилтан” болохыг ХЭМАБ-н дүрэм журмын дагуу тодорхойлно.

5.2 Хязгаарлагдмал орчинд нэвтрэх зөвшөөрлийн маягт.

5.2.1 ХО-нд нэвтрэх зөвшөөрлийн маягт нь Хавсралт 1-д заасан агуулгатай байна.

5.2.2 Ажлын байрны онцлогоос хамаарч зөвшөөрлийн маягтад нэмэлт мэдээлэл оруулж болно.

5.2.3 Ажилтны аюулгүй байдал, эрүүл мэндийг хамгаалах зорилгоор зайлшгүй хэрэгжүүлэх арга хэмжээг зөвшөөрөлд тусгана.

5.3 Агаарын чанарын хэмжилт хийгдээгүй болон зөвшөөрөлгүй ХО-нд нэвтрэх

5.3.1 Дараахаас бусад нөхцөлд ХО-нд аливаа хүн нэвтрэх эсвэл ажиллахыг хориглоно.

- а) ХО бүхий ажлын байрны эзэмшигч нь үнэлгээ хийх зорилгоор нэвтрэх эсвэл ажиллах шаардлага болно.
- б) ХО-нд нэвтрэх зөвшөөрөл нь зөвхөн үнэлгээ хийхэд хүчинтэй.

5.3.2 Зааврын 5.3.1 заалтын дагуу ХО-нд нэвтрэх хүн дараах шаардлагыг хангана.

- а) Тохирсон амьсгалын аппаратыг зүүнэ.
- б) ХО-ыг хариуцсан удирдах албан тушаалтнаас нэвтрэх зөвшөөрөл авна.
- в) Аюулгүйн бэхэлгээтэй өндөрийн бүс зүүх эсвэл тохиромжтой хамгаалах хэрэгслээр тоноглогдсон байна. ХО-нд дагалдан ажилтан гадна талд байрлаж, онцгой нөхцөлд ажилтныг татаж гаргах эсвэл аврах ажиллагааны төлөвлөгөөг хэрэгжүүлнэ.

5.4 Хязгаарлагдмал орчинд нэвтрэх зөвшөөрөл хүсэлт

5.4.1 ХО-нд нэвтрэх зөвшөөрлийг дэс дарааллаар олгоно.

- а) ХО-нд нэвтрэх, ажил гүйцэтгэх шаардлагатай нэгжийн ахлах ажилтан ХОААХА-нд зөвшөөрлийн хүсэлт гаргана.
- б) ХОААХА нь "Хязгаарлагдмал орчинд нэвтрэх зөвшөөрлийн маягт"-ыг 3 хувь хөтлөнө.
- в) Зөвшөөрөлд нэвтрэх ХО-нд агаарын чанарын хэмжилтийн дүн, зайлшгүй шаардлагатай аюулгүй ажиллагааны хяналтын арга хэмжээг бичнэ.
- д) Хөтөлсөн зөвшөөрлийн маягтыг нэвтрэх, ажил гүйцэтгэх ХО-ныг хариуцсан эрх бүхий ажилтнаар хянуулж, баталгаажуулснаар хүчин төгөлдөр болно.

5.4.2 ХО-нд ажилтан нэвтрэхээс өмнө агаарын чанарын хэмжилт хийнэ. Агаарын чанарын хэмжилт нь зөвхөн тухайн өдрөө хүчинтэй.

5.4.3 ХО-ны агаарын чанарын хэмжилт хийхэд:

- а) Шалгалт тохируулга хийлгэсэн, тохирсон багажийг ашиглана.
- б) Хэмжилтийг гүйцэтгэх дэс дараалал:
 - I. Хүчилтөрөгчийн агууламж,
 - II. Шатамхай хий эсвэл уурны агууламж,
 - III. Тухай орчинд ач холбогдолтой хорт хийн концентрацийг хэмжнэ.
- в) Хэмжилт хийх ажилтан нь өөртөө болон бусдад аюул учруулахгүй байхад анхаарна.
- д) Хэмжилтийн үр дүнг зөвшөөрлийн маягтад тэмдэглэнэ.

5.4.4 ХОААХА нь ХО-д нэвтрэх нь аюулгүй байдал, эрүүл мэндийн шаардлага хангасан гэж дүгнэвэл зөвшөөрөлд гарын үсэг зурж, ХО-ныг хариуцсан эрх бүхий ажилтнаар хянуулна.

5.4.5 ХОААХА нь хэмжилт, үнэлгээ хийх, зөвшөөрөл олгох ажил үүргээ нягт нямбай, хариуцлагатай гүйцэтгэнэ.

5.5 Хязгаарлагдмал орчинд нэвтрэх зөвшөөрөл олгох

5.5.1 ХОААХА нь дараах шаардлагыг хангасан тохиолдолд ХО-нд ажилтан нэвтрэх зөвшөөрлийг олгоно.

- а) Агаарт агуулагдах хүчилтөрөгчийн түвшин 19.5-23.5%-ийн хооронд байх,
- б) Агаарт агуулагдах шатамхай хий, уурны түвшин 10% эсвэл тэдгээрийн тэсрэх доод хязгаараас нь бага,
- с) Агаар дахь хорт бодисын хэмжээ MNS 4990 стандартад заасан зөвшөөрөгдөх дээд хэмжээнээс хэтрээгүй,
- д) ХО нь хангалттай агааржуулалттай,
- е) ХО-нд нэвтрэх үед ажилтанд аюултай хий, уур, хорт бодисын дэгдэлтэд өртөхөөс сэргийлсэн үр нөлөөтэй арга хэмжээг хэрэгжүүлсэн,
- ф) ХО-нд нэвтрэх ажилтны аюулгүй байдал, эрүүл мэндийг хамгаалахад чиглэсэн ач холбогдол бүхий зохих арга хэмжээг хэрэгжүүлсэн.

5.5.2 ХОААХА нь зөвшөөрлийн 1 хувийг хүсэлт гаргасан ахлах ажилтанд, 1 хувийг ХО-ныг хариуцсан эрх бүхий ажилтанд олгож, 1 хувийг нь өөртөө хадгална.

5.5.3 ХО-ны хариуцсан эрх бүхий ажилтан нь зөвшөөрөл олгохтой холбоотой ажилд нягт нямбай, хариуцлагатай хандана.

5.5.4 ХО-д нэвтрэх зөвшөөрлийг хүчинтэй хугацаанд ашиглаагүй бол, 5.4-ийн дагуу шинээр зөвшөөрөл авна.

5.6 Хязгаарлагдмал орчинд нэвтрэх зөвшөөрлийг мэдээлэх

5.6.1 ХО-д нэвтрэх зөвшөөрлийг хүлээн авах ахлах ажилтан нь дараах үүрэгтэй:

- а) Зөвшөөрлийн хуулбарыг ажил гүйцэтгэх талбайн бүдүүвч зургийн хамт ХО-ны орох хэсэгт байрлуулна,
- б) Зөвшөөрлийн хуулбарыг дараах хугацаа хүртэл авч болохгүй:
 - I. Зөвшөөрлийн хугацаа дуусах огноо,
 - II. Зөвшөөрлийг солих,
 - III. ХО-д нэвтэрсэн ажилтан ажлаа гүйцэтгэж дуусаад гарах хүртэл

5.7 Хязгаарлагдмал орчинд ажиллах ажилтанд аюулгүй байдлын мониторинг

5.7.1 ХО-нд ажиллаж буй ажилтны аюулгүй байдал, эрүүл мэндийг хамгаалах шаардлагатай бүх арга хэмжээг ажил гүйцэтгэх хугацааны турш хэрэгжүүлэхэд ахлах ажилтан, ХОААХА хамтран ажиллана.

5.7.2 ХО-ны гадна талд дагалдах ажилтан байрлаж, тохиромжтой хэлбэрээр ажил гүйцэтгэж буй ажилтантай байнгын холбоотой байж, хяналт тавьж, шаардлагатай нөхцөлд онцгой үеийн бэлэн байдлын төлөвлөгөөг хэрэгжүүлнэ.

5.7.3 Ажилтан ХО дахь ажлаа гүйцэтгэж дуусаад гарсан талаар мэдэгдлийг ахлах ажилтнаас ХОААХА болон ХО хариуцсан эрх бүхий ажилтанд мэдээлнэ.

5.8 Агаарын чанарын явцын хэмжилт

5.8.1 ХОААХА нь ажилтан нэвтэрсэн эсвэл ажил гүйцэтгэж буй ХО-ны агаарын чанарт хяналт тавихдаа дараах шаардлагыг биелүүлнэ.

- а) 45 минутаас удаан хугацаад ХО-нд ажил гүйцэтгэх тохиолдолд агаарын чанарын хэмжилтийг давтамжтай хийж, хяналт тавих,
- б) ХО-д 2 ба түүнээс олон хүн ажиллаж байгаа бол тэдний нэг ба түүнээс олон хүнд нь агаарын чанарын тогтмол мониторингийн багаж(газ детектор)-ийг зүүлгэнэ. Мониторингийн багаж нь тухайн орчинд ач холбогдолтой хийг хэмжих зориулалттай байна.
- с) Дээрх 2 төрлийн хэмжилтийн аль нэгний үр дүнгээр аюултай нөхцөл тодорхойлогдвол:
 - I. ХО дахь бүх ажилтанг нэн даруй гаргана,
 - II. Аюултай нөхцөл нь хэрхэн үүссэн талаарх үнэлгээг хийнэ,
 - III. ХО-нд нэвтрэх зөвшөөрлийг эрх бүхий удирдах ажилтан дахин олгох хүртэл ямар ч ажилтан дахин орохгүй.

5.8.2 ХОААХА нь 5.8.1(а)-д заасан хэмжилтийн үр дүнг ХО-нд нэвтрэх зөвшөөрлийн маягтад тэмдэглэнэ.

5.8.3 Хөтөлсөн зөвшөөрлийн маягыг 2 жилээс багагүй хугацаагаар хадгална.

5.9 Үл тохиролтой ажлыг мэдээлэх үүрэг

5.9.1 ХО-той ажлын байранд гүйцэтгэж буй ажлын үед үл тохирол ажиглаж мэдсэн хэн боловч уг ажлыг хариуцсан ахлах, ХОААХА, ХО хариуцсан эрх бүхий ажилтны хэн нэгэнд нь нэн даруй мэдээлнэ.

5.9.2 Үл тохиролтой ажил гэдэг нь ХО-нд ажил гүйцэтгэж буй ажилтны эрүүл мэнд, аюулгүй байдалд эрсдэл учруулж болзошгүй ажлыг хэлнэ.

5.10 Хязгаарлагдмал орчинд нэвтрэх зөвшөөрлийг хянах, зөөн шилжүүлэх

5.10.1 ХО хариуцсан эрх бүхий ажилтан нь ХО-нд нэвтрэх зөвшөөрлийг өдөр тутам хянаж, тохиромжтой байдлыг нь үнэлнэ.

5.10.2 ХО-нд нэвтрэх зөвшөөрлийг олгосны дараа ХО-нд ажиллаж буй ажилтны эрүүл мэнд, аюулгүй байдал эрсдэлтэй нөхцөл үүссэн тохиолдолд тэдгээр ажилтныг гаргаж, нэвтрэх зөвшөөрлийг хүчингүй болгоно.

5.10.3 ХО-ыг хариуцсан эрх бүхий удирдах ажилтан нь 5.10.2-д заасныг тооцохгүйгээр дараах эрхтэй:

- а) Дараах нөхцөл үүссэн тохиолдолд ХО-нд нэвтрэх зөвшөөрлийг хүчингүй болгоно:
 - I. ХО-нд гүйцэтгэх ажил нь бүрэн хэрэгжиж дууссан,
 - II. ХО дахь ажлыг заасан хугацааны тур үргэлжлүүлэн гүйцэтгэх боломжгүй,
- б) Зааврын 5.8.1(с)-д заасан нөхцөл үүссэн тохиолдолд ХО-нд нэвтрэх зөвшөөрлийг хүчингүй болгоно.

Зургаа. Бусад зүйл

6.1 Анхааруулах тэмдэг. ХО бүхий аливаа ажлын байр эзэмшигч нь ХО луу нэвтрэх хэсэгт аюулыг анхааруулсан тэмдгийг зөвшөөрөлгүй хүмүүстэй зориулж ойлгомжтой хэлбэрээр байрлуулна.

6.2 Ажилтны нэр, үнэмлэхийг шалгана. ХОААХА нь ХО-нд нэвтрэх ажилтны нэр, үнэмлэхийг зөвшөөрлийн маяг мэдээлэлтэй тулгаж шалгана.

6.3 Ажилтны сургалт.

6.3.1 ХОААХА нь ХО-д нэвтрэх ажилтан ХО-оос үүсэх аюул, ХЭМАБ-ын сургалтад хамрагдаж хангалттай түвшний мэдлэг, дадлыг эзэмшсэн байх нөхцөлийг бүрдүүлнэ.

6.3.2 ХОААХА нь ХО-нд нэвтрэх ажилтан нь үндсэн ажил үүргээ аюулгүй гүйцэтгэх чадамжтай эсэхэд хяналт тавьж, шаардлагатай тохиолдруулд сургалтад хамруулах үүрэгтэй.

6.4 Хязгаарлагдмал орчны дагалдах ажилтан.

6.4.1 ХОААХА нь ХО-нд ажилтан нэвтрэхээс өмнө дагалдах ажилтныг томилно.

6.4.2 ХО-ны дагалдах ажилтан нь дараах үүрэгтэйгээр ХО-ны гадна талд үлдэнэ.

- a) ХО луу нэвтэрсэн ажилтанд хяналт тавих,
- b) ХО-нд ажиллаж буй ажилтантай тогтмол харилцаатай байж, шаардлагатай үед ХО-оос гарахад нь тусална,
- c) Гадаад орчинд онцгой нөхцөлийн үед ХО дахь ажилтанд мэдээлж, гарахад тусална.
- d) Ослын үед онцгой үеийн бэлэн байдлын төлөвлөгөө хэрэгжүүлнэ.

6.5 Аврах ажиллагаа

6.5.1 ХО-нд нэвтэрсэн ажилтныг хариуцсан ХОААХА нь дараах үүрэгтэй:

- a) Онцгой нөхцөлд ХО дахь ажилтныг аврах бичгээр үйлдсэн төлөвлөгөөтэй байх,
- b) Анхны тусламж, хувийн хамгаалах хэрэгсэл, ХО-нд аврах ажиллагаа явуулахад шаардлагатай бусад багаж, хэрэгсэлийг ашиглах зэрэг агуулгыг багтаасан сургалтад хамрагдаж, зохих шалгуурыг хангасан аврах ажиллагаа явуулах ажилтныг томилох,
- c) Хангалттай тооны, зохих шаардлага хангасан амьсгалын аппарат, аюулгүйн бүс, бэхэлгээ, нөхцөл байдалд тохирсон аврах хэрэгсэл, амилуулах багажтай байна. Эдгээр нь:
 - I. Бэлэн байдлыг хангасан,
 - II. Зохих ёсоор техник үйлчилгээнд хамрагдсан,
 - III. Сар тутамд нэг ба түүнээс олон удаа мэргэшсэн ажилтнаар шалгагдсан байна.

6.5.2 Мэргэшсэн ажилтан нь 6.5.1(c)-д заасны дагуу:

- a) Багаж хэрэгслийн бэлэн, найдвартай байдлыг шалгахдаа нягт нямбай, хариуцлагатай хандана,
- b) Шалгалт бүрийн тэмдэглэлийг хөтөлж, тайлан гаргана.

6.5.3 ХОААХА нь 6.5.2 (b)-д заасан тайланд хяналт тавьж, 2 жилээс багагүй хугацаагаар хадгална.

Төгсөв.

ТӨСӨГ

Хавсралт 1.

ХЯЗГААРЛАГДМАЛ ОРЧИНД НЭВТРЭХ ЗӨВШӨӨРӨЛ

Байгууллагын нэр:				Зөвшөөрөл олгосон огноо:	__ он __ сар __ өдөр
ХО-ны байршил:				Зөвшөөрөл дуусах огноо:	__ он __ сар __ өдөр
ХО-ны тодорхойлолт:					
Нэвтрэх зорилго:					
Зөвшөөрөгдсөн ажилтны нэр				Зөвшөөрөгдсөн дагалдах ажилтны нэр:	
ХО-д нэвтэрсэн цаг: мин				ХО-оос гарсан цаг: мин	
АГААРЫН ЧАНАРЫН ХЭМЖИЛТ					
Үзүүлэлт	Нэвтрэхээс өмнөх дүн	Явцын хэмжилтийн дүн			
Хүчилтөрөгч (19.5-23.5%)					
Шатамхай хий LEL (<10%)					
Угаарын хий (<25 ppm)					
Хүхэрт үстөрөгч (<10 ppm)					
Хорт хий 1:					
Хорт хий 2:					
Нэвтрэхээс өмнөх хэмжилт хийсэн ажилтан:	Овог нэр	Гарын үсэг	Огноо:	Цаг: мин	
Багажны мэдээлэл	Үйлдвэрлэгч, загвар	Серил дугаар	Шалгалт тохируулгын огноо	Хэмжилтээс өмнө тэг шалгалт хийсэн ☐ тийм ☐ үгүй	
ШААРДЛАГАТАЙ АЮУЛГҮЙ АЖИЛЛАГААНЫ ХЯНАЛТЫН АРГА ХЭМЖЭЭ					
	Тийм	Үгүй	Тэмдэглэл		
Амьсгал хамгаалах хэрэгсэл					
Хамгаалах хувцас					
Хамгаалалтын дуулга					
Хамгаалах гутал					
Нүдний хамгаалалтын шил					
Хамгаалалтын бээлий					
Бусад ХХХ					
Гал унтраагуур					
Аврах хэрэгсэл					
Түгжих, пайзлах					
Агааржуулалт					
Анхааруулах тэмдэг / хаалт					
Бусад хамгаалах арга хэмжээ:					
Агаарын чанарын явцын хэмжилт					
Холбооны хэрэгсэл					
Нэвтрэх ажилтнууд сургалтад хамрагдсан					
Нэвтэрсэн ажилтныг ажиглаж, харилцах хэлбэр	☐ Харагдах байдлаар	☐ Шууд аман харилцаа	☐ Радио холбоо	☐ Телефон	
Онцгой үед холбогдох утасны дугаар:					
ЗӨВШӨӨРӨЛ ОЛГОСОН:			ЗӨВШӨӨРЛИЙГ ЦУЦАЛСАН:		
Овог нэр	Гарын үсэг	Овог нэр			
ЗӨВШӨӨРЛИЙГ ХЯНАСАН:					
Овог нэр	Гарын үсэг				